









# СПОРТ

ИСПАНИД “БАРСА”, “РЕАЛ”, АНГЛИД “ЧЕЛСИ”, “ТОТТЕНХЭМ” ТҮРҮҮЛЭХИЙН ТӨЛӨӨ ӨРСӨЛДӨЖ БАЙНА

VI нүүрт

МАРИЯ ШАРАПОВА ГЯЛАЛЗАЖ ЭХЭЛЛЭЭ

VIII нүүрт



## ЯРИЛЦАХ ЦАГ



**Д.Амарсайхан:**  
“Оддын хөлбөмбөг”-ийн

тоглолтод оролцох багууд

таван саяын төлөө

өрсөлдөнө

Дэлгэрэнгүй ярилцлагыг VII нүүрт

## МЭДЭЭ МЭДЭЭЛЭЛ

## “Сэлэнгэпресс” бүрэлдэхүүнээ зузаатгажээ

Үндэсний дээд лигт арван жил дараалан оролцож буй баг “Сэлэнгэпресс” клуб 2015 онд “Хүрхрээ” нэрээр зохиогдоход “Сэлэнгэпресс” клуб хүрэл медаль хүртэж байв. Харин өнгөрсөн жил зургадугаар байр эзэлсэн билээ. Энэ жил Б.Чин-Оргил дасгалжуулагчийн удирдсан баг өмнөх улирлын байрлалаа урагшуулж,

амжилтаа ахиулахын тулд хүчээ зузаатгажээ. Тодруулбал 2015 оны шилдэг хөлбөмбөгчин, анхны “Алтан бөмбөг”-ийн эзэн О.Баяржаргалыг эгнээндээ элсүүлсэн юм. Түүнчлэн Мизухо Сасаки, Хишида Таку гэсэн үнэнч Япон легионериудаас гадна арлын улсаас хоёр тоглогч авлаа. Үндэсний дээд лигт 10 дахь улирлаа тоглох

гэж буй “Сэлэнгэпресс” клуб 2008 оноос хойш аваргын цом өргөхийг зорьж буй. Тиймээс энэ жил бүрэлдэхүүнээ улам хүчирхэгжүүлэн, “Хүрхрээ” үндэсний дээд лиг-ийн шинэ улирлыг эхлүүлэхэд бэлэн болоод байна. Тэдний эхний өрсөлдөгчөөр үндэсний лигийн 10 удаагийн аварга “Эрчим” клуб юм.

## Д.Дагвадоржийн авга дүү мэргэжлийн сүмод хүч үзэх нь

Мэргэжлийн сүмогийн их аварга Хакүхо М.Даваажаргал Асапёорюү Д.Дагвадоржийн авга дүүтэй бэлтгэл хийж, зөвлөгөө өгчээ. Тодруулбал, Монгол Улсын манлай заан Д.Долгосүрэнгийн ууган хүү Сугаррагчаагийн хүү Бямбасүрэнтэй 20 орчим минут бэлтгэл хийснийхээ дараа сэтгүүлдэд “Ур чадвартай залуу байна. Мэргэжлийн сүмод орох хүсэлтэй юм билээ. Дэмжиж явна аа” гэжээ. С.Бямбасүрэн эдүгээ Чива мужийн Кашива хотын дунд сургуульд суралцдаг бөгөөд 2015 онд болсон Зүүн Японы аварга шалгаруулах тэмцээнд түрүүлж байжээ. Мөн таван настайгаасаа жүдо, 11-тэйгээсээ чөлөөт бөхийн спортоор хичээллэж байсан гэнэ. Сургуулийнхаа чөлөөт бөхийн багт хичээллэж байсан ч Д.Дагвадорж ахынхаа зөвлөснөөр энэ замыг сонгожээ. Түүний биеийн өндөр 1.84 см бол жин нь 96 кг аж.



Гэрэл зургийг Г.АРГУУЖИН

## ҮНИЙН САНАЛ АВАХ УРИЛГА

Налайх дүүргийн Худалдан авах ажиллагааны алба нь сонгогдсон эрх бүхий тендер оролцогчдоос дүүргийн 3 дугаар хорооны нутаг дэвсгэр дэх “МТ” шатахуун түгээх станцаас 3 дугаар хорооны Дэнжийн гүүр хүртэл тарих шинэ мод, тулгуур мод-ыг нийлүүлэх тухай үнийн санал ирүүлэхийг урьж байна.

Үнийн саналын баримт бичгийг (хүсвэл нэмэлт хувийг) бичгээр хүсэлтээ гаргаж, эргэж төлөгдөхгүй нөхцөлтэйгээр иж бүрдэлээр нь 50'000 төгрөг, эсхүл түүнтэй тэнцэх хэмжээний чөлөөтэй хөрвөх валютаар худалдан авч болно. Үнийн санал нь түүнийг нээсэн өдрөөс эхлэн [45] хоногийн дотор хүчинтэй байна.

Төлбөрийг Төрийн сан банк 100200455009 тоот дансанд тушаана.

Үнийн саналыг 2017 оны 05 дугаар сарын 08-ны өдрийн 11:00 цаг-аас өмнө доорх хаягаар ирүүлнэ.

Үнийн саналыг нээлтэд оролцох хүсэлтэй тендер оролцогчдыг байлцуулан 2017 оны 05 дугаар сарын 08-ны өдрийн 11:40 цаг-т нээнэ.

Дотоодын давуу эрх: “Тооцохгүй”

*Сонирхсон этгээд тендерийн баримт бичиг болон бусад мэдээллийг доорх хаягаар авч болно*

Налайх дүүрэг, 2 дугаар хороо, Хуульчдын гудамж, Худалдан авах ажиллагааны алба. Утас:7023-2788

## ТЕНДЕРИЙН УРИЛГА

2017 оны 04 дүгээр сарын 28 -нд  
Тендер шалгаруулалтын нэр:

Тендер шалгаруулалтын дугаар: АГУТ-17/012. БАГЦ 2

Автотээврийн үндэсний төв нь эрх бүхий тендер оролцогчдоос “Техникийн хяналтын үзлэгийн явуулын автомашин худалдан авах нийлүүлэх” тухай битүүмжилсэн тендер ирүүлэхийг урьж байна.

Тендерийн баримт бичгийг бичгээр хүсэлтээ гаргаж, эргэж төлөгдөхгүй нөхцөлтэйгээр иж бүрдлийг 50,000 төгрөгөөр худалдан авна. Тендер нь түүнийг нээсэн өдрөөс эхлэн 45 хоногийн дотор хүчинтэй байна.

Тендер оролцогч нь Санхүүгийн болон туршлагын дараах шаардлагыг хангасан байна.

Үүнд:  
Борлуулалтын хэмжээ: Сүүлийн 2 жил буюу 2015, 2016 оны аль нэг жилд борлуулалтын хэмжээ 100,0 сая төгрөгөөс доошгүй байх;

Түргэн хөрвөх чадвартай хөрөнгө болон авах боломжтой зээлийн хэмжээ: Тендер санал болгож буй үнийн дүнгийн 50 хувиас доошгүй

байх; Аудитаар баталгаажуулсан санхүүгийн тайлан ирүүлэх жилийн тоо:

Сүүлийн 2 жил буюу 2015, 2016 оны аудитаар баталгаажуулсан санхүүгийн тайланг ирүүлэх.

Тендер оролцогч санал болгож буй тендерийн үнийн дүнгийн

1,5 хувиар тооцож тендерийн баталгаа ирүүлнэ.

Тендерийг 2017 оны 05 дугаар сарын 29-ны өдрийн 10:00 минутас өмнө доорх хаягаар ирүүлэх ба нээлтэд оролцох хүсэлтэй тендер оролцогчдыг байлцуулан 2017 оны 05 дугаар сарын 29-ны өдрийн 10:30 минутад нээнэ.

Гадаадын этгээд тендер ирүүлэх эрхтэй  
Дотоодны давуу эрх тооцохгүй.

*Сонирхсон этгээд тендерийн баримт бичиг болон бусад мэдээллийг доорх хаягаар авч болно.*

УБ хот, Сүхбаатар дүүрэг, 2 дугаар хороо, Тээвэрчдийн гудамж, өөрийн байр, Худалдан авалт хариуцсан Мэргэжилтэн Ж.Банзрагч. Утас: 88280448





## ЗАВСАРЛАГА

Улаанбаатарт:



## Өдрийн зурхай

ХАВРЫН ТЭРГҮҮН  
ХАРАГЧИН ТУУЛАЙ  
САРЫН ТАВАН ШАР  
МЭНГЭТЭЙ ЦАГААГЧИН  
МОГОЙ ӨДӨР

Үс засуулбал:

Хэл, ал, хэрүүл тэтгэл ирнэ

Наран ургах, шингэх:  
05.43-20.02

Тухайн өдөр үхэр, могой жилтнээ аливаа үйлийг хийхэд эерэг сайн ба бар, туулай жилтнээ сөрөг муу нөлөөтэй тул элдэв үйлд хянамгай хандаж, биеэ энхрийлүүштэй. Эл өдөр гэмтнийг шийтгэх, хагалгаа хийлгэх, буг дарах, газрын ам бооход сайн. Мод суулгах, нарийн чанд зөвлөгөөн хийх, байшингийн суурь тавих, угаал үйлдэхэд муу. Өдрийн сайн цаг нь хулгана, бар, туулай, морь, хонь, тахиа болой. Хол газар яваар одогсон баруун зүгт мөрөө гаргавал зохистой. Үс шинээр үргээлгэх буюу засуулахад тохиромжгүй.

ДЭЛХИЙН ШИЛДЭГ ГЭРЭЛ ЗУРАГ

## “СААДТАЙ ХАРАЙЛТ”



Б.СУМЬЯА

Жил бүр зохион байгуулагддаг Дэлхийн хэвлэлийн шилдэг гэрэл зураг шалгаруулах “World press photo-2017” наадмын спортын төрлийн шилдгийн шагнал хүртсэн “Саадтай харайлт” сэдэвт зургийг уншигчиддаа сонирхуулж байна. Энэ зургийг 2016 оны дөрөвдүгээр сарын 9-нд авчээ. Энэ өдөр Их Британийн Ливерпулын

Эйнтри уралдааны талбайд “Гранд Нэйшл” саадтай харайлтын тэмцээн зохион байгуулагдсан байна. Улмаар тус тэмцээний үеэр удам дагасан унаач Нина Карберригийн мориноосоо унаж буй агшныг гэрэл зургийн торгон хальсанд ийн буулгажээ.

Зурагт хоёр морь дүрслэгдсэн байх аж. Баруун талд байгаа морь эхлээд бүдэрчээ. Дараа нь Нина Карберригийн морь дээгүүр нь харайх гэж байгаад

мөн л бүдрэн унаснаар унаач бүсгүй мориноосоо шидэгдэж буй тэрхүү агшны эгзгийг тааруулан дарсан нь энэ. Азаар энэ ослоор морь ч, унаач ч гэмтэж бэртээгүй гэнэ.

Энэ оны “Дэлхийн хэвлэлийн шилдэг гэрэл зураг” шалгаруулах тэмцээнд дэлхийн 125 орны 5034 зурагчин 80400 бүтээлээ илгээснээс Их Британийн гэрэл зурагчин Том Женкинсийн авсан дээрх зураг спортын төрөлд тэргүүджээ.

## СПОРТ

## Мария Шарапова гялалзаж эхэллээ

ОХУ-ын тамирчин, алдарт теннисчин Мария Шарапова сэргээш хэрэглэсэн гэж үндэслэлээр тэмцээнд оролцох эрхийг нь 15 сараар хассан байдаг. Харин саяхан түүний хориглосон хугацаа дуусч, нэрт тамирчин теннисний талбайдаа эргэн ирлээ.

Тэрбээр хамгийн сүүлчийн тэмцээнээсээ хойш жил гаруй хугацааны дараа Германы Штутгарт хотод зохион байгуулагдаж буй “Порше Теннис Гранд Прикс-2017” тэмцээнд оролцож, Италийн теннисчин Роберта Винситэй учраа таарч, 7:5, 6:3 харьцаагаар ялжээ. Мөн өчигдөр Екатерина Макароватай хоёр дахь тоглолтоо хийсэн байна. Оросын теннисчин М.Шарапова “Их дуулга”-ын тэмцээнүүдэд таван удаа түрүүлж байснаас гадна Холбооны цомд нэг удаа аваргалж, Лондонгийн Олимпын наадмаас мөнгөн медаль хүртэж байсан билээ. Эдүгээ 29 настай бүсгүй мелдониум эмийг Орос эмчийн заавраар 2006 оноос хойш хэрэглэсэн байдаг бөгөөд уг эмийг өнгөрсөн оноос тамирчдын эмчилгээнээс бүрэн хассан байдаг. Гэвч 2016 оны Австралийн теннисний нээлттэй тэмцээний үеэрх допингийн шинжилгээгээр түүний цуснаас мелдониум эмийн бодис илэрч, тэмцээнд оролцох эрхийг нь хассан юм.

## Бидэнд тохиолдсон

ХҮНДЭН ХӨГТЭЙ  
ЯВДЛУУД

Ж. Жина



Сая болсон хөгтэй явдлаа хуваалцмаар санагдлаа. Эмнэлэгт үзүүлж байтал зайрмаг идмээр санагдаад болдоггүй. Би долоон сартай жирэмсэн юм л даа. Тэгээд эмчдээ үзүүлчихээд дэлгүүрээс зайрмаг аваад, ганц хазаад байж байтал СУИС-ийн гадаа хөөцөлдөж байсан гурван залуу намайг түлхээд

миний зайрмаг газарт уначихлаа. Миний хоолой зангираад, нүдэнд дүүрэн нулимс цийлэгнэж ирснээ “Та нар яаж байгаа юм бэ” гээд л уйлж гарлаа. Яагаад уйлснаа өөрөө ч мэдэхгүй байна. Зайрмаг идэхийг л их хүссэн юм шиг байгаа юм. Тэгсэн нөгөө гурав чинь сандраад надад уут дүүрэн зайрмаг авч өглөө. Ккк

## Баяр хүргэж байна

Ж.Бямбадорж нь Дэлхийн Оюуны Өмчийн Академийн доктор (Ph.D) эрдмийн цол хүртсэнд баяр хүргэж байна.

ОХУ, АНУ, Чех, Швед,  
Швейцарь, Монгол Улс

2017.04.24

Дэлхийн Оюуны Өмчийн  
Академи

## ДУУЛГАХ СОНИН

## Хойд Солонгос жүдо бөхийн ДАШТ зохион байгуулахгүй

Солонгосын хойгт тогтворгүй байдал бий болсны улмаас Умард Солонгосын тал 2017 оны жүдо бөхийн залуучуудын ДАШТ-ийг зохион байгуулах эрхээ алдлаа. Умард Солонгосын нийслэл Пхеньян хот таван өдөр үргэлжлэх уг тэмцээнийг аравдугаар сарын 18-наас эхлэн зохион байгуулах эрхийг аваад байсан юм. Уг тэмцээнийг зохион байгуулах эрхийг Хорватын нийслэл Загреб хотод шилжүүлэх болсноо Олон улсын жүдогийн холбоо өчигдөр мэдэгдсэн байна. Тус холбооны мэдэгдэлд “Солонгосын хойгт үүссэн тогтворгүй байдлын улмаас энэ тэмцээнд тамирчдаа оролцуулахаас зарим улс орон татгалзаж, тамирчдынхаа аюулгүй байдалд санаа зовниж байгаагаа илэрхийлсэн учир нийм шийдвэр гаргалаа” гэж тайлбарлажээ.

